

SAMÞYKKT

um breytingu á samþykkt um stjórn sveitarfélagsins Rangárþings eystra, nr. 810/2022.

1. gr.

9. gr. samþykktarinnar breytist og orðast svo:

Sveitarstjóri boðar fundi.

Fundarboð ásamt dagskrá skal berast sveitarstjórnarfulltrúum eigi síðar en tveimur sólarhringum fyrir fund. Boðun sveitarstjórnarfunda skal fara fram með rafrænni tilkynningu á netfang sveitarstjórnarfulltrúa. Eigi síðar en tveimur sólarhringum fyrir fund skulu jafnframt öll fundargögn vera aðgengileg í fundarkerfi sveitarfélagsins undir dagskrá boðaðs fundar til að sveitarstjórnarfulltrúar geti tekið upplýsta afstöðu til þeirra mála sem til umfjöllunar eða afgreiðslu eru á fundinum.

Aukafund skal boða ekki síðar en tveimur virkum dögum eftir að ósk þar um berst sveitarstjóra. Fundarboð vegna aukafundar sem óskað er eftir með þessum hætti skal berast sveitarstjórnarfulltrúum svo fljótt sem auðið er og eigi síðar en sólarhring fyrir fund. Fundarboðinu skal fylgja dagskrá ásamt því að öll gögn skulu á sama tíma vera aðgengileg í fundarkerfi sveitarfélagsins undir dagskrá boðaðs fundar til að sveitarstjórnarfulltrúi geti tekið upplýsta afstöðu til þeirra mála sem til umfjöllunar eða afgreiðslu eru á fundinum.

2. gr.

29. gr. samþykktarinnar breytist og orðast svo:

Sveitarstjóri undirbýr fundi í samráði við formann byggðarráðs.

Sveitarstjóri boðar fundi.

Fundarboð ásamt dagskrá skal berast byggðarráðsfulltrúum eigi síðar en tveimur sólarhringum fyrir fund. Boðun byggðarráðsfunda skal fara fram með rafrænni tilkynningu á netfang byggðarráðsfulltrúa. Eigi síðar en tveimur sólarhringum fyrir fund skulu jafnframt öll fundargögn vera aðgengileg í fundarkerfi sveitarfélagsins undir dagskrá boðaðs fundar til að byggðarráðsfulltrúi geti tekið upplýsta afstöðu til þeirra mála sem til umfjöllunar eða afgreiðslu eru á fundinum.

3. gr.

Síðasti málsliður 1. mgr. 32. gr. samþykktarinnar breytist og orðast svo:

Byggðarráð fer einnig með húsnæðismál.

4. gr.

Eftirfarandi breytingar verða á 49. gr. samþykktarinnar:

- Síðasti málsliður 1. tl. A-liðar breytist og orðast svo: Byggðarráð fer með verkefni Húsnæðisnefndar skv. 6. gr. laga um húsnæðismál nr. 44/1998.
- Fyrsti málsliður 3. tl. B-liðar breytist og orðast svo: Fimm aðalmenn og jafnmargir til vara.
- Við 4. tl. B-liðar bætist nýr málsliður, svohljóðandi: Fjölmeningarráð heyrir undir fjölskyldunefnd.
- Fyrsti málsliður 5. tl. B-liðar breytist og orðast svo: Fimm aðalmenn og jafnmargir til vara.
- Annar málsliður 1. tl. C-liðar breytist og orðast svo: Nemendaráð Hvolsskóla tilnefnir einn einstakling, Tvístráðið tilnefnir einn einstakling auk þess sem óskað er eftir umsóknum sem ungmennaráð og íþrótt- og æskulýðsfulltrúi velur úr eins og tilgreint er í erindisbréfi ungmennaráðs.
- Við C-lið bætast tveir nýir töluliðir, 3. og 4. tölul., svohljóðandi:

3. *Fjölmeningarráð*. Fimm fulltrúar og þrjár til vara. Auglýst er eftir áhugasömum einstaklingum í þrjár stöður í ráðinu, Sláturfélag Suðurlands tilnefnir einn fulltrúa og ferðapjónustan í Rangárþingi eystra tilnefnir einn fulltrúa. Í upphafi hvers kjörtímabils kýs fjölskyldunefnd formann en á fyrsta fundi ráðsins fer fram kjör varaformanns og ritara sé hann ekki jafnframt starfsmaður ráðsins. Fjölmeningarráð skal vera sveitarstjórn og

nefndum til ráðgjafar um málefni og hagsmuni íbúa í Rangárþingi eystra sem snýr að innflytjendum og fólki með erlendan bakgrunn.

4. *Jafnréttisráð*. Þrjú fulltrúar og jafnmargir til vara. Jafnréttisráð fer með jafnréttismál skv. 13. gr. laga um stjórn-sýslu jafnréttismála nr. 151/2020.
- g. 3. og 8. tl. D-liðar falla brott, og uppfærast eftirfarandi töluliðir í samræmi við það.
- h. Töluliður 6, áður 7, breytist og orðast svo: *Stjórn félags- og skólaþjónustu Rangárvalla- og Vestur Skaftafellssýslu bs*. Einn fulltrúi og einn til vara. Byggðasamlagið fer með verkefni félagsþjónustu fyrir sveitarfélagið skv. lögum um félagsþjónustu sveitarfélaga nr. 40/1991 og veitir skólaþjónustu skv. VIII. kafla laga um leikskóla nr. 90/2008 og IX. kafla laga um grunnskóla nr. 91/2008, sbr. auglýsingu nr. 806/2024. Byggðasamlagið fer jafnframt með þau verkefni barnaverndarþjónustu samkvæmt 10. gr. barnaverndarlaga nr. 80/2002, sem eru ekki sérstaklega falin öðrum. Samkvæmt III. kafla barnaverndarlaga er hvorki sveitarstjórn, félagsmálanefnd eða stjórn byggðasamlagsins heimilt að gefa barnaverndarþjónustu fyrir mæli um meðferð einstakra mála. Ákvæði 2. og 3. mgr. 42. gr. sveitarstjórnarlaga eiga því ekki við um barnaverndarþjónustu og er sveitarstjórn, félagsmálanefnd og stjórn byggðasamlagsins því ekki heimilt að hafa eftirlit með afgreiðslu einstakra mála barnaverndarþjónustu né taka ákvörðun í barnaverndarmálum. Beiðnum um endurupptöku ákvarðana barnaverndarþjónustu skal beint til framkvæmdastjóra byggðasamlagsins eða teymisstjóra barnaverndarþjónustu. Sem aðili að byggðasamlaginu er Rangárþing eystra aðili að umdæmisráði Reykjaness og hluta af Suðurlandi skv. samningi um umdæmisráðið og viðauka við hann. Umdæmisráðið fer með verkefni sem umdæmisráði er falið skv. barnaverndarlögum nr. 80/2002 fyrir Skaftárhrepp. Stjórn byggðasamlagsins skipar í umdæmisráð barnaverndar skv. 14. gr. barnaverndarlaga.
- i. Töluliður 9, áður 10, breytist og orðast svo: *Bergrísinn bs*. Byggðasamlagið fer með skipulag og framkvæmd þjónustu við fatlað fólk á starfssvæðum aðildarsveitarfélaganna, í samræmi við lög um þjónustu við fatlað fólk með langvarandi stuðningsþarfir nr. 38/2018, með síðari breytingum. Sveitarstjórn Rangárþings eystra tilnefnir fulltrúa til setu á aðalfundi byggðasamlagsins samkvæmt samþykktum byggðasamlagsins, sbr. auglýsing nr. 560/2023.

5. gr.

Samþykkt þessi, sem sveitarstjórn Rangárþings eystra hefur sett skv. 9. og 18. gr. sveitarstjórnarlaga nr. 138/2011, staðfestist hér með til að öðlast gildi.

Innviðaráðuneytinu, 8. ágúst 2024.

F. h. r.

Guðni Geir Einarsson.

Ólöf Sunna Jónsdóttir.